

欽定石渠寶笈續編

欽定石渠寶笈續編

第四十七

寧壽宮藏四

皇上御筆書畫四

御筆深寧堂一律一軸

本幅宣德牋本縱四尺二寸橫一尺七寸行  
書

御製深寧堂詩

庭松傲冬綠。階草向陽青。又是對韶淑。於焉愜

性靈怡情逢輒戒得句寫還停民隱心常厯深  
思所以寧庚寅新春中澣御題鈐寶二惟精  
惟一乾隆宸翰

鑒藏寶璽石渠寶笈所藏

御筆詠金剛四生詩 一卷

本幅宋牋本

有寶藏  
殊印

縱九寸

四分

寸行書

詠金剛四生 有自無生無自誰羯羅藍值偶  
居之色空明暗未形際地水火風初伏時如咀  
如乘紛擬議弄璋弄瓦別施為四蹄豈不亦若  
是慎在其分毫與釐右胎  
生依殼為延八竅呈  
自然黃白判而生曾傳王政貴不殤誰識佛經

表幻成。比及鳳鸞方是瑞。便當燕雀亦含情。淵  
材獨被禹錫誤。瞪目仙禽墮卯驚。右卯生 假潤

成非水族同。化工造物果然工。乍看蠢蠢浮波  
面。旋即飛飛上半空。陽滅陰滋消息具。風隨雨  
撒性靈通。過蒲曇縱無八識。亦自含生大塊中。

右濕生

藍姬甄陶萬物形。詎惟久竹與青寧。是

誰忽爾成獨蛹。類我居然祝寧馨。脈脈蛸蛸隨  
所適。花花草草任其停。大圓鏡裏胥同照。底藉

六如方註經

右化生


庚寅夏月御筆鈐寶三如

是觀乾隆宸翰得象外意

引首

御筆 分詮同照 鈐寶一 乾隆宸翰

鑒藏寶璽五福五代堂古稀天子寶八徵耄念之  
寶筆花春雨天地為師石渠寶笈所藏



御筆創業守成難易說一卷

本幅宋牋本縱一尺橫二尺六寸三分行書  
創業守成難易說 唐太宗與廷臣較創業守  
成孰難時房喬魏徵各以所見對太宗皆見其  
難獨岑文本則曰創撥亂之業其功既難守已  
成之基其道不易踵其論者率無軒輊於其間  
蓋以難即不易不易即難也而余則以為不然  
夫難與不易豈可同日而語哉今有二人焉甲



則飢乙則不飽。不飽者縱不果腹。堪遲待焉。而飢者一再不食。將餒而僵矣。以是喻難與不易。其輕重不可立見耶。或曰難亦不易也。不易亦難也。今必強為低昂。是視死與不生為二也。其可乎。余曰。是正所以為二也。蓋不生者雖不得生。而其實尚未至死。其死者又安可復生乎。以是喻難與不易。其輕重不可立見耶。難與不易之說明。則岑文本所云撥亂難守成不易之

說余又以為不然。蓋創業固難矣。然以守成較之。但可謂之不易。而守成則實難耳。何則。創業之主。救焚拯溺。危然後安。其難可謂至矣。然於制度紀綱。時有未暇。留俟後人。未為不可。守成者。遺大投艱。單心繼序。苟無以光前烈。啓後圖。斯凜然有不終畝之憂。是創業者未竟之難。亦守成者分內之難也。所繫不愈重乎哉。世之治產者。或致億。或致萬。或致千百。無不可也。子若

孫持其業者增之可耳。少有所損於其間。人將  
訾之。然則嗣先王之基者。不待失道失衆始為  
慙負前人。但使式廓之版圖。或有侵削。垂裕之  
成憲。或有廢弛。是即無以覲耿光而揚大烈。昔  
舜之稱禹曰克勤於邦。克儉於家。不自滿假。君  
天下者。勤儉尚已。顧創業者。櫛風沐雨。不期勤  
而自無不勤。筭路藍縷。不期儉而自無不儉。至  
於守成之主。席豐履厚。易至於驕驕。則急生焉。

故陳宵旰於太平之時。言茅茨於玉陛之世。輒厭而不納。是非安不忘危。存不忘亡。鮮有不盛滿中之者。以此思難。則所以持難者可知矣。況乎守成之責。固開國之主與繼體之君所同一仔肩者也。夏之王也。以禹為創業。以啟為守成。殷之王也。以湯為創業。以太甲三宗為守成。周之王也。以文武為創業。以成康為守成。然禹湯文武未聞不自守其所創者。以貽後昆也。我不

可不監於有夏我不可不監於有商我不可不  
監於有周嚮使為子孫者咸知守成之難雖三  
代至今存可也惟世少守成之主而後有創業  
之君出焉故予之獨以難責夫守成者非敢忘  
創業者之難正以慰創業者之初心耳尚書五  
十八篇其涉創業者惟湯誓湯誥泰誓武成諸  
篇其自二典三謨以至太甲說命立政周官罔  
不於致治保邦為兢兢無逸一篇蔡傳謂周公

所舉三宗皆繼世之君一篇中凡七更端深嗟  
永嘆其意深遠周禮為致太平之書所言體國  
經野皆守成之事古人惟深見其難故言之不  
厭其詳也如文本之說將以繼世而有天下者  
坐享成功視開創為有間則古來守文令辟與  
蒙業而安者幾可等量而齊觀且使中才之主  
得所藉口謂昔之人既為其難我僅居其不易  
稍自暇逸亦無不可何用是汲汲為甚者溺於



宴安弗克負荷棄厥基焉夫孰階之厲也故聞  
明其說如此既申儆於後且藉以自勗焉是  
篇曾屢書之偶得舊牋復成此卷 庚寅小春  
御筆鈐寶三奉三無私乾隆

引首

御筆 義闡思艱 鈐寶一 乾隆宸翰

鑒藏寶璽五福五代堂古稀天子寶八徵耄念之  
寶研露用筆在心石渠寶笈所藏

御筆小春說一卷

本幅宋牋本縱九寸四分橫二尺四寸五分  
行書

小春說 十月小春即婦人孺子皆或知其說  
而通儒博學曾未訓其義雖歲時初學等記均  
以為天時和暖似春故曰小春而歐陽修詞中  
亦有小春之句其何以謂之小春則未之前聞  
也嘗考小雅歲亦陽止朱注云陽十月也時純



陰用事嫌於無陽故名之程子亦云疑於無陽故謂陽月然何時無陽如日有光之類程朱此語蓋宗孔氏愛陽惡陰之疏而發明之余以為小春之義當昉乎此夫天時和暖雖十一十二月亦豈無之而不得謂之小春者以其非陽月也陽之德實見於春在乾為元在人為仁在時為春一氣貫通生生不息天地之大德曰生即天地之大用曰春雖四時流行自司其候而陽

春之氣何嘗有一息之間斷哉。小春即陽月也。  
世又有以為小陽春者更深切而著明不煩重  
注矣。庚寅孟冬月朔御筆。鈐寶四。乾隆水月  
而激明煙雲舒卷。

引首

御筆 因時體元 鈐寶一。乾隆宸翰。

鑒藏寶璽五福五代堂古稀天子寶。八徵耄念之  
寶。樂壽堂用筆在心正有同春。石渠寶笈所藏。

御臨蘇軾書千字文一卷

本幅宣紙本縱八寸一分橫二丈二尺六寸  
六分

臨蘇軾書千字文

見 乾隆宮所藏  
陳淳書千字文卷

蘇軾草書千文庚寅冬御臨鈴寶四乾隆宸翰  
筆花春雨意在筆先涉筆偶值幾間

引首

御筆

機參遲速

鈴寶一乾隆宸翰

鑒藏寶璽五福五代堂古稀天子寶八徵耄念之  
寶追琢其章成性存存中和千潭月印得住趣  
叢雲綫暇怡情日監在茲石渠寶笈所藏

御筆學詩堂記 一卷

本幅粉牋本縱六寸四分橫三尺八寸五分  
行書

學詩堂記 子曰小子何莫學夫詩於伯魚之  
過庭也曰不學詩無以言學詩尚美然學詩者  
豈以駢四儷七叶聲韻練詞藻為能盡詩之道  
哉必於可興可觀可羣可怨事父事君之大端  
深入自得然後蘊諸內則心氣和平發諸外則

事理通達於是言之文而行之遠不讀闕睢麟  
趾不能行周官法度是則有天下國家者尤不  
可不學詩也宋高宗命馬和之為毛詩全圖自  
書經以配之間亦有孝宗書豈和之始事於建  
炎而歲功於乾道阜陵補書以卒成之乎。歷年  
既遠散失者多其在內府已登諸石渠寶笈書  
者凡九卷書成之後續得者又八卷而以新證  
舊乃知向所藏或失之精覈者凡五卷夫真者

既知其淳。則贗者宜去其疵。於是萃前後可信  
為真者。都為一筭。別藏於景陽宮後殿。而名之  
曰學詩堂。後或有所得。將以是證之。而歸其筭  
焉。各卷並為題識。書之以傳信永世。卷之甲乙  
以風雅頌為次第。而不計書經者之前後。其已  
登石渠寶笈。今訂為偽之五卷。則仍其舊。亦各  
為識語。書其後。夫高孝兩朝。偏安江介。無恢復  
之志。其有愧雅頌大旨多矣。則所為繪圖書經。

亦不過以翰墨娛情而已豈真能學詩者乎詩  
曰高山仰止景行行止惜乎吾不能揖讓於清  
廟明堂之間也 庚寅仲冬月上澣御筆鈐寶  
三乾隆宸翰幾暇臨池學鏡千古

引首

御筆 興觀薈美 鈐寶一乾隆御筆  
鑒藏寶璽石渠寶笈所藏



御筆國風正謠 一卷

本幅宋牋本。縱九寸七分。橫三尺五寸。行書。  
國風正謠。孔子杏壇刪詩曰。風曰雅曰頌。無  
所為國也。自毛萇始以國標題。而鄭康成因之。  
後世遂沿襲莫知改正。夫孔子既以二南別周  
召而邶以下各從其類。邶以下謂之國可也。今  
云周南之國。召南之國。是何語耶。王者有天下  
之號。降而為風。見周道之衰可也。今云王國。是

何語耶。或曰：如是則書所云「以長我王國」，詩所云「王國克生」，皆非乎？曰：詩書所云「統天下國家之王國」，非列於衛國之後、鄭國之前之王國也。夫孔子作春秋，尊王大一統，豈於詩乃降王為國，以比於諸侯，有是理乎？且魯誠侯國也。孔子以父母之邦，猶躋之於頌，顧以東遷之王朝而等之侯國，不與春秋之義自相刺謬乎？至於幽、厲，乃周先王造基之地，既有天下，尊王太王、王季。

上祀先公以天子之禮亦無復降而為國之理  
知此則毛鄭之譌不待辨而自見故為是說以  
正之後世若宋程大昌之輩頗見及此然未能  
挈要斷之以正故復有駁其說者不啻議禮如  
聚訟矣附錄數條於後亦幾暇稽古之所及云  
爾 宋程大昌作詩議十七篇首論古有二南  
而無國風之名今考之禮王制云命太師陳詩  
以觀民風樂記云宜歌風周禮春官太師教六

詩一曰風皆言風而不言國本朝毛奇齡引表  
記國風云我躬不閱之文以駁之夫坊表諸篇  
皆漢儒所作昔人已詳論之未可以為據也  
宋鄭樵六經輿論文王之詩見於風者二南是  
也成王之詩見於風者豳風是也平王之詩見  
於風者王風是也若謂降黍離而為國風則豳  
詩亦可降耶其說近是然樵又云周召王豳之  
詩同出於周而分為四國之聲則顯然以二南

王幽繫之於國。不亦自相矛盾乎。宋李樗黃  
種毛詩集解載楊時云。幽風周公之詩也。周公  
居攝政。由已出。謂之雅。則人臣之事而已。謂之  
風。則周公非有國也。而七月之序。陳先公風化  
之所由。故并繫之幽風。其說本小序。視集解所  
引諸家較優。然所云謂之風。則周公非有國。又  
若必有國而後有風。亦無定識矣。本朝顧炎  
武日知錄云。幽詩不屬於國風。周世之國無幽。

似矣。考后稷封于邰，公劉始居豳。是周之先封國乃邰而非豳。篤公劉篇云：豳居允荒。于豳斯館。皆言豳而不言國。則豳非國名。不獨周世為然也。即使公劉之時。或曾稱豳國。而武王得天下之後。亦不得復以國目之。且亦無封子孫於豳國之文也。炎武又以南豳雅頌為四詩。而舉禮經所言入樂者為證。論雖創而理亦正。乃又云：自邶至曹十二國為風。無害。則是欲降王畿。

以下儕列國。何明於論幽而昧於論王耶。庚寅嘉平月中。泚御筆。鈐寶四。乾隆學鏡千古游六藝圃。

引首

御筆 辨名正始 鈐寶一。乾隆宸翰。

鑒藏寶璽。樂壽堂鑒藏寶。五福五代堂古稀天子寶。八徵耄念之寶。樂壽堂。莊敬日強。潑墨。即事多所欣。石渠寶笈所藏。

御臨蘇軾書千字文 一卷

〔本幅〕宣德牋本縱八寸橫一丈六尺草書

臨蘇軾書千字文

見乾清宮所藏陳淳書千字文卷

蘇軾草書千文。庚寅嘉平御臨。鈐寶四。乾隆樂  
意寓靜觀。深心託豪素。

〔引首〕

御筆 素禪別乘 鈐寶一。乾隆宸翰。

鑒藏寶璽中得天地心。典學勤政。正有同春。絜矩



涵虛朗鑒。寫生取益。在廣求德。充符掬水。月在  
手。石渠寶笈所藏。

御筆抑齋記一卷

本幅宋牋本

有簡靜齋真知此中之妙二印

縱一尺二分橫

二尺七寸五分行楷書

抑齋記 予向居重華宮潔治西廂為書室而

名之曰抑齋踐阼之後於凡御園行館據山水

之佳適情性之雅可以凭几展芸編者無不

以是為名示不忘舊也而向未有記夫記之意

識也左史記言右史記事是也又記之言志也

公府奏記進已志是也。深居九重。暇餘萬幾。宵衣旰食之際。左右史之職廢已久矣。夫誰與記之。而公府奏進已志。其能陳天命之艱。觖屋漏之隱者。亦鮮焉。是在自謹其起居。自慎其出令。以代左右史之識。凜顧諟。欽幾微。以通公府之志。則抑齋之記。尤不可不作於今日者也。夫予向之所云抑者。不過欲退損以去驕吝。慎密以審威儀。所謂敬業樂羣之事耳。若夫今之所云。

抑則豈數語所能盡者。命不易哉。無曰高高在上。抑也。日盈則昃。月盈則蝕。抑也。予臨萬民。凜乎若朽索之馭六馬。抑也。无平不陂。无往不復。艱貞无咎。抑也。斯其大者。至於一言之不謹。一事之不慎。其害將貽天下後世。嗚呼。今日之抑之艱。豈昔日之抑之易。所可相提並論者哉。衛武公作抑之詩。使人日誦於側。以自警。彼諸侯也。尚知以是為棘。則予之不忘舊日之名。而益

勵日新之德。於以代左右史之識。通公府之志。  
不亦宜乎。重華宮之抑齋。其權輿也。故書記於  
室。辛卯新春御筆。鈐寶四。德日新。乾隆惟精  
惟一。

引首

御筆 德隅益勵 鈐寶一 乾隆宸翰

鑒藏寶璽五福五代堂古稀天子寶 八徵耄念之  
寶 樂壽堂用筆在心 正有同春石渠寶笈所藏

御筆倣董其昌雲山一卷

〔本幅〕宣德牋本。縱三寸五分。橫二尺。潑墨畫  
山林雲水歟。

倣董其昌天降時雨山川出雲小卷。辛卯上巳  
前一日。泉林行館御筆。鈐寶二。會心不遠。德充  
符。

〔引首〕

御筆 寓情有滄 鈐寶一。乾隆宸翰。

鑒藏寶璽古希天子寫生秀色入牕虛潑墨石渠  
寶笈所藏

御筆春耦齋記一卷

本幅舊粉牋本縱七寸七分橫二尺五寸三分行書

春耦齋記 語云周過其厯秦不及期班固美其親親賢賢固本衆建至鄙秦以子弟為匹夫骨肉失藩衛其然豈其然哉夫秦之失賈誼論之詳矣闢封建之議則莫過於柳宗元而周之所以過其厯後世鮮有發其旨者蓋自后稷公



劉世以重農為務。惟土物愛知稼穡艱。至於文  
武成康。猶是道也。立我蒸民。期天永命。詩書所  
歎。畧同一軌。國家龍興東海。較之周家。藝荏菹。  
迺場疆者。固有不同。而天下初定。禮樂未遑。即  
舉

祈穀之祭。下力田之詔。我

皇祖建此豐澤園於西苑。以劬樹藝。而較晴雨。至於  
皇考歲舉耕藉之典。必先演耕於園北弄田。以視周

祖

家世業肯穫者有過無弗及予小子聰聰

考之彛訓亦惟是無逸作所民本食天之念拳拳毋懈不敢以一己之貴而忽萬姓之窮不敢以四方之豐而忘一隅之歟二十一年以來此物此志也園之內有齋茲以春耦名之而闡其說如右石渠寶笈中舊藏唐韓滉五牛圖農部尚書蔣溥因進其父故大學士蔣廷錫倣項聖謨摹

大繼又得項聖謨卷古今名蹟一時會合良稱  
藝苑勝事夫服疇力穡牛之資用最鉅並貯齋  
中每一展觀如見洪縻縹輓馴擾膏壤間然予  
知依務本之意所為在此不在彼耳 丙子春  
作此記未嘗操翰自寫適得舊牋書成裝卷並  
鐫玉板藏齋中辛卯清和御筆鈐寶三几席有  
餘香乾隆

引首

御筆 知依務本 鈐寶一乾隆宸翰

鑒藏寶璽石渠寶笈所藏

御筆讀劉昆傳一卷

本幅研花牋本。縱八寸二分。橫二尺六寸四分。行書。

讀劉昆傳。後漢書儒林傳載劉昆為宏農太守。仁化大行。峭驛道向多虎。皆負于渡河云云。夫虎猛獸也。藏林藪。逐鹿豕。以養其生。虎之知止於此而已。餘非所知也。太守仁政。祇能施之民。而民豈能向虎告之。虎又豈能廉於民以悉

之而又推太守之意不傷民而去之且一一負  
其子以行哉。蓋范曄紀此。不過欲揚劉昆之美  
耳。無識者或信以為實。有識者必斥其非。將並  
劉昆之善政亦疑為阿好過頌。是欲揚其美反  
致傷其實矣。然范曄之為此。蓋亦有本。彼見禮  
記孔子過泰山有苛政猛於虎之言。故創為新  
奇之語以褒昆而不自覺其謬。禮記出漢儒語  
多踳駁。未必盡皆孔子之言。即所云苛政猛於

虎尚為指物喻政。不失為正。而虎知太守仁政。相率負子渡河而去。則必無其事也。蓋人聚則地闢。地闢則獸遠。此不易之理。今之秦岱崑崙。何並無一虎。不啻此也。天下郡縣。其有虎者。千百之一耳。餘盡無虎。豈為其地守土之人。皆如劉昆之賢。而虎皆避去哉。是又不必絮辨。而可證范曄之偽者。辛卯仲夏。讀後漢書。成此篇。誌所見。御筆。鈐寶三乾。隆几席有餘香。

引首

御筆 闕奇衷正 鈐寶一乾隆宸翰

鑒藏寶璽石渠寶笈所藏



御臨趙孟頫書急就篇一卷

本幅粉牋本。縱九寸四分。橫二丈三尺四寸。

臨趙孟頫章草急就章全文。并俞和楷書釋文。

急就奇觚與衆異。羅列諸物名姓字。分別部  
居不雜。廁用日約少。誠快意。勉力務之。必有  
意。請道其章。宋延年。鄭子方。衛益壽。史步昌。  
周千秋。趙汝卿。爰展世。高辟兵。鄧萬歲。秦妙  
房。郝利親。馮漢彊。戴護郡。景君明。董奉德。桓

賢良任逢時。侯仲郎由廣國崇惠常。烏承祿  
令狐構朱交便。孔何傷師猛虎石敢當。所不  
侵龍未央。伊英齊翟回慶畢稚季。昭小兄柳  
堯舜。藥禹湯淳于登費通光。柘恩舒路正楊。  
霍聖宮。顏文章。管財厯徧呂張。魯賀意。灌宜  
王。程忠信。吳仲皇。許終古。賈友倉。陳元始。韓  
魏唐。掖容調。柏杜楊。曹富貴。李尹桑。蕭彭祖。  
屈宗談。樊愛君。崔孝襄。姚得賜。燕楚巖。薛勝

容聶邗將求男弟過說長祝恭敬審無方龐  
賞贛陳士梁成博好范建羗閭驩喜寧可忘  
苟貞夫茅涉臧田細兒謝內黃柴桂林溫直  
衡奚驕叔邴勝箱雍宏敞劉若芳毛遺羽馬  
牛羊尚次倩邱則岡陰賓上翠鴛鴦庶霸遂  
萬段卿泠幼功武初昌褚回池蘭偉房減罷  
軍橋竇陽原輔福宣桑奴殷滿息充申屠夏  
侯俠公孫都慈仁他郭破胡虞尊偃憲義渠

蔡遊威左地餘譚平定孟伯徐葛咸軻敦錡  
蘇耿潘卮錦繡綬旄離雲爵乘風懸鐘華墮  
樂豹首落莽兔雙鶴春草雞翹鳧翁濯鬱金  
半見霜白薈縹緗綠紉阜紫璫丞采絹紺縉  
紅然青綺羅縠靡潤鮮綈絡縑練素帛蟬絳  
縱絳紬絲絮綿牝幣囊索不直錢服瑣綸帶  
與繒連貫貸賣買販肆便資貨市贏匹幅金  
絡納泉縕裏約經綸組綖綬以高遷量丈尺

寸斤兩銓。取受付予相因緣。稻黍秫稷粟麻  
粳。餅餌麥飯甘豆羹。葵韭葱蓼豉蘇薑。蕪荑  
鹽豉醃醬漿。芸蒜薺芥菜萸香。老菁蓂荷冬  
日藏。梨柿柰桃待露霜。棗杏瓜棣饊飴園  
菜果。蓴助米糧。甘麯恬美奏諸君。袍襦表裏  
曲領裙。襜褕袷複襲袴襪。禪衣蔽膝布無尊。  
箴縷補祖縫緣。循履烏嗇裏。越緞紉鞞鞮。叩  
角褐襪中。裳韋不借為牧人。完堅耐事愈比

倫履蕎封麤羸窶貧旃裘索擇蠻夷民去俗  
歸義來附親譯導贊拜稱妾臣戎猶總閱什  
伍陳廩食縣官帶金銀鐵鈇錐鑽釜鎡鑿鍛  
鑄鉛錫鐙鉞鉞鈐鉤鉦斧鑿鉏銅鍾鼎鉶  
銅匱鉞釭銅鍵鈗冶銅鑄竹器簦笠簞籩篠  
箒篋篋篋篋篋篋篋篋篋篋篋篋篋篋篋篋  
案杯間碗螽斗朵升半卮簞搏槌枰櫛匕箸  
簪缶瓶盆甕甕甕壺甗甗甗甗甗甗甗甗甗  
甗甗甗甗甗甗甗甗甗甗甗甗甗甗甗甗甗甗

繩索紡絞纆。簡札檢署梨。櫝家板。竿所產。谷  
口茶。水虫蚪。斗蠅蝦。蟄鯉。鮒蟹。鰾鮑。鰕。妻  
婦。娉嫁。齊媵。僮奴婢。私隸。枕牀。杠蒲。弱蘭。席  
帳。帷幢。承塵。戶簾。條績。縱鏡。斂疏。比各異工。  
黃薰脂粉膏澤。簫沐浴。擗撼寡合同。襍飭刻  
畫。無等雙。係臂琅玕。虎魄龍璧。碧珠璣。玫瑰  
甕。玉璫環珮。靡從容。射寇辟邪。除羣兇。等瑟  
空候琴筑。箏鍾磬。鞀簫。鞀鼓。鳴五音。雜會歌。

謳聲倡優俳笑觀倚庭侍酒行解宿昔醒厨  
宰切割給使令薪炭藿葷孰炊生積膾炙哉  
各有形酸醎酢淡辨濁清肌弱脯腊魚臭醒  
酤酒釀醪稽滌程。基局博戲相易輕冠幘簪  
簪結髮組頭頤頤准麋目耳鼻口脣舌斷牙  
齒頰頤頸項肩臂肘卷挽節搔母指手脾腴  
匈脇喉膺膈腸胃腹肝肺心主脾腎五藏腕  
齊乳尻寬脊贅要背倮股脚膝臍脛為柱膂



腓跟踵相近聚。矛鋌鑲盾刃。刀鉤鞞鍛鉞。鎔  
劍鐔鑊弓弩箭矢鎧。兜鍪鐵垂撾杖枕。秘矢  
輜輶輳軸輿輪康。輻輳輶輶輶柔。櫪桑軹軹軫  
苓輶納衡。蓋輶桿倪。尼縛棠轡。勒鞅鞅絆羈  
疆。鞞茨薄杜鞍鑣陽。靳鞞茸鞞色焜煌。革鞞  
髹漆猶黑蒼。室宅廬舍樓殿堂。門戶井竈廡  
困京。櫪櫪薄盧瓦屋梁。泥塗墜墜壁垣墻。幹  
楨板裁度員方。屏厠溷渾糞土壤。塹壘層廐



豹狐距虛豺羆狸兔飛鼯狼麋麕麋麋麋  
鹿皮給履寒氣泄注腹臚張痂疣疥癰癢聾  
忘癰疽癰癢痲疾疝瘕癰疾狂失響瘡癰  
癢痛淋溫病消渴歐逆欬懣讓痺熱痿痺眇眇  
眼篤癰衰廢迎醫匠灸刺和藥逐去邪黃苓  
伏令礬茈胡牡蒙甘草菟藟盧烏喙附子椒  
元華半夏阜英艾索吾弓窮厚朴桂枯樓欵  
冬貝母薑狼牙遠志斷續參土瓜亭慙桔梗

龜骨枯。雷矢。藿菌。蓋兔。盧卜夢。譴崇父母恐。  
祠祀。社保。敢臘奉。謁觴塞。禱鬼神。寵棺。擲。櫟。  
櫟。遣送。踊。喪。弔。悲哀。面目腫。哭泣。馭。祭。墳墓。  
冢。諸物。盡訖。五官出。宦學。諷詩。孝經。論春秋。  
尚書。律令。文治。禮掌。故底。腐身。智能。通達。  
多見。韋名。顯絕。殊異。等倫。抽擢。推舉。白黑。分。  
迹。行上。究為。牧人。丞相。御史。郎中。君進。近公。  
卿。傳僕。勲。前後。常侍。諸將軍。列侯。封邑。有土。

臣積學所致無鬼神。馮翊京兆執治民廉潔  
平端撫順親變化迷惑別故新姦邪並塞。皆  
理巡更卒歸誠自詣。因司農少府國之淵。援  
衆錢穀主辨均。臯陶造獄法律存。誅罰詐僞  
劾罪人。廷尉正監承古先。總領煩亂決疑文。  
鬪變殺傷捕伍隣。游徼亭長共雜珍。盜賊繫  
囚榜笞辱。朋黨謀敗相引牽。欺誣詰狀還反  
真。坐生患害不足憐。辭窮情得具獄堅。藉受

驗證記問年。問里鄉縣趨辟論。鬼薪白粲鉗。  
鈇斃不肯謹慎自令然。輸屬治作谿谷山。箴  
箴起居課後先。斬伐材木斫株根。犯禍事危  
置對曹。謾訑首匿愁勿聊。縛購脫漏亡命流。  
攻擊劫奪檻車醪。嗇夫假佐扶致牢。疢痼保  
辜譟呼猱。乏興猥還訶謏求。輒覺沒入檄報  
留受賕枉冤忿怒仇。讒諛爭語相舐觸憂念。  
緩急悍勇獨迺肯。省察諷諫讀江水涇渭街。

術曲筆研投算膏火燭。賴赦救解貶秩祿。邯鄲河間沛巴蜀。潁川秦淮集課錄。依恩污擾貪者辱。漢地廣大無不容。盛萬方來朝。臣妾使令邊境無事。中國安寧。百姓承德。陰陽和平。風雨時節。莫不滋榮。蝗蟲不起。五穀熟成。賢聖並進。博士先生。長樂無極。老復丁。

急就篇。漢代傳習最盛。能書者多寫之。而碑刻流傳。則惟是皇象本。其疏解可稽者。亦惟王應

麟所釋顏師古注本耳。向曾仿鄧文原章草成  
卷閱今二十餘年。幾暇復取石渠所藏趙孟頫  
章草。撫其筆意。而楷字則畧仿俞和本。分行附  
釋。其每篇標目。原文所無刪而不錄。篇中字多  
誤脫。因校顏本訂補之。而文之與顏本小異者  
悉仍其舊。補闕存真亦考古所必及耳。辛卯  
仲夏月御識。鈐寶二。乾隆。

引首



御筆 法存散隸 鈐寶一乾隆御筆

鑒藏寶璽五福五代堂古稀天子寶八徵耄念之  
寶己有同春用筆在心石渠寶笈所藏

御筆讀韓非子 一卷

本幅蠟牋本縱一尺三分橫三尺三寸六分行  
書

讀韓非子 昔韓非述管仲之對桓公曰知臣  
莫如君知子莫如父斯言也余以為非是夫自  
古及今多有以此言為然者而余以為非是者  
何蓋其君若父果賢耶自能知之而亦無待其  
臣子及他人之頌使其不賢不能知在他人則

是不闕已之謬。贊以害人家國。設為臣子者。亦如是言。則是內懷怨懟。而仍陷其君。若父於不知也。即以桓公屢舉鮑叔牙數人。而管仲皆以為不可。是果知臣乎。桀之於關龍逢。紂之於王子比干。亦猶是也。瞽瞍之於舜。獻公之於申生。是果知子乎。其類此者。不可屈指數。余故以為非是。蓋不近情之論。聽之似是。而折衷於理。其刺謬不通。若是者亦多矣。且君子立言。將以為

萬世法程而不可逞一己之私智以欺世盜名也。言治之書莫如典謨。一則曰在知人。再則曰惟帝其難之。使世之為君為父者皆曰我已知臣。我已知子。誤知子者其害猶不過一家。誤知臣者其害將及國與天下。是誰作之俑哉。夫自以為不知者或可勉以至有知之日。而自以為已知者吾知其為終於不知而已矣。辛卯夏六月中澣御筆。鈐寶三。入眼秋光盡是詩。乾隆

引首

御筆 析理知難 鈐寶一。乾隆御筆

鑒藏寶璽石渠寶笈所藏

御筆土爾扈特全部歸順記 一卷

本幅粉牋本縱一尺一寸五分橫四尺一寸  
行書。

土爾扈特全部歸順記 始逆命而終徃服謂  
之歸降。弗加征而自臣屬。謂之歸順。若今之土  
爾扈特。攜全部。捨異域。投誠嚮化。跋涉萬里而  
來。是歸順非歸降也。西域既定。興屯種於伊犁。  
薄賦稅於回部。若哈薩克。若布魯特。俾為外圉。

而羈縻之。若安集延。若拔達克山。並稱遠徼而  
綽置之。知足不辱。知止不殆。朕意亦如是而已  
矣。豈其盡

天所覆。至於海隅。必欲悉主悉臣。為我僕屬哉。而茲  
土爾扈特之歸順。則實

天與人歸。有不期然而然者。故不可以不記。土爾扈  
特者。準噶爾四衛拉特之一。其詳已見於準噶  
爾全部記畧之文。溯厥始率。亦荒畧弗可考。後

因其汗阿玉奇與策妄不睦竄歸俄羅斯俄羅斯  
斯居之額濟勒之地康熙年間我

皇祖聖祖仁皇帝嘗欲悉其領要令侍讀圖麗琛等  
假道俄羅斯以往而俄羅斯故為紆繞其程凡  
行三年又數月始反命今之汗渥巴錫者即阿  
玉奇之曾孫也以俄羅斯征調師旅不息近且  
徵其子入質而俄羅斯又屬別教非黃教故與  
合族台吉密謀挈全部投中國興黃教之地以



息肩焉。自去歲十一月啟行。由額濟勒。歷哈薩克。統巴勒喀什諾爾戈壁。於今歲六月杪始至伊犁之沙拉伯勒界。凡八閱月。歷萬有餘里。先是朕聞有土爾扈特來歸之信。慮伊犁將軍伊勒圖一人不能經理得宜。時舒赫德以叅贊居烏什。辦回部事。因命就近前往。而畏事者乃以新來中有舍楞其人。曾以計誘害我副都統唐喀祿。因以竄投俄羅斯者。恐其有詭計。議論沸

起古云受降如受敵朕亦不能不為之少感而  
畧為備焉然熟計舍楞一人豈能聳動渥巴錫  
等全部且俄羅斯亦大國也彼既背棄而來又  
擾我大國邊界進退無據彼將焉往是則歸順  
之事十之九詭計之伏十之一耳既而果然而  
舒赫德至伊犁一切安汎設偵籌儲密備之事  
無不悉妥故新投之人一至如歸且掄其應入  
覲者由驛而來朕即命隨圍觀獵且於山莊燕

如都爾伯特策凌等之例焉。夫此山莊乃我  
皇祖所建以柔遠人之地。而宴賚策凌等之後。遂以  
平定西域。茲不數年間。又於無意中。不因招致  
而有土爾扈特全部歸順之事。自斯凡屬蒙古  
之族。無不為我大清國之臣。

神御咫尺。有不以操先。恭閱後。成愜。

志而愉快者乎。予小子所以仰答。

祖恩。益凜。

天寵惴惴焉孜孜焉惟恐意或滿而力或弛念茲在茲遑敢自訓為誠所感與德所致哉或又以為不宜受俄羅斯叛臣虞啟邊釁蓋舍楞即我之叛臣歸俄羅斯者何嘗不一再索取而俄羅斯訖未與我也今既來歸即以此語折俄羅斯彼亦將無辭以對且數萬乏食之人既至近界豈之使去彼不劫掠畜牧將何以生雖有堅壁清野之說不知伊犁甫新築城而諸色人皆賴耕

牧為活是壁亦不易堅而野亦不可清也夫明知人以嚮化而來而我以畏事而止且反致寇甚無謂也其衆涉遠歷久力甚疲矣視其之死而惜費弗救仁人君子所不忍為況體

天御世之大君乎發帑出畜力為優恤則已命司事之臣茲不贅記記事之緣起如右 辛卯孟冬月中澣養心殿御筆鈐寶三學鏡千古乾隆

引首

御筆 歸鶴徵原 鈴寶 乾隆御筆

鑒藏寶璽五福五代堂古稀天子寶八徵耄念之  
寶几席有餘香體道粹涵養石渠寶笈所藏

御筆優恤土爾扈特部衆記 一卷

本幅粉牋本。縱一尺一寸六分。橫四尺五公分。  
行書。

優恤土爾扈特部衆記 歸降歸順之不同既  
明則歸順歸降之甲乙可定。蓋戰而勝人不如  
不戰而勝人之為盡美也。降而來歸不如順而  
來歸之為盡善也。然則歸順者較歸降者之宜  
優恤不亦宜乎。土爾扈特歸順源委已見前說。

茲記所以優恤之者。方其渡額濟。勒而來也。戶  
凡三萬三千有奇。口十六萬九千有奇。其至伊  
犁者。僅以半計。夫此遠人嚮化。攜挈屬而徠。  
其意甚誠。而其阡危求息狀。亦甚憊。既撫而納  
之。苟弗為之贍其生。猶弗納也。贍之而弗為之  
計。長久猶弗贍也。故自聞其來。及其始至。以迄  
於今。惟此七萬餘衆。凍餒疴瘠之形。時懸於目。  
而惻於心。凡宵旰所究圖。郵函所諮訪。無暇無



輟乃得悉其大要於是為之口給以食人授之  
衣分地安居使就米麥而資耕牧則以屬之伊  
犁將軍舒赫德出我牧羣之孳息驅往供饋則  
以屬之張家口都統常青發帑運茶市羊及裘  
則以屬之陝甘總督吳達善而嘉峪關外董視  
經理則以屬之西安巡撫文綬惟時諸臣以次  
馳牘入告於伊犁塔爾巴哈台之察哈爾厄魯  
特凡市得馬牛羊九萬五千五百其自達里岡

愛商都達布遜牧羣運往者又十有四萬。而哈密關展所市之三萬不與焉。撥官茶二萬餘封。出屯戍米麥四萬一千餘石。而初至伊犁賑贍之茶米不與焉。甘肅邊內外暨回部諸城購羊裘五萬一千餘襲。布六萬一千餘匹。棉五萬九千餘斤。羶廬四百餘具。而給庫貯之羶棉衣什布幅不與焉。計儲用帑銀二十萬兩。而賞貸路費及宴次資予不與焉。其台吉渥巴錫等之人

覲者乘傳給餽而來至則錫封爵備恩禮其往也復慮其身之生不宜內地氣候則命由邊外各臺厯巴里坤以行而迎及送并遣大臣侍衛等護視之用以柔懷遠人俾毋致失所或有以爲優恤太甚者蓋意出於鄙吝未習聞國家成憲毋惑乎其見之隘也昔我

皇祖聖祖仁皇帝時喀爾喀土謝圖汗等爲厄魯特所殘破率全部十萬衆來歸

皇祖矜其窮阨。

命尚書阿喇尼等往撫之。發歸化城張家獨石二口倉儲以振其乏。且足其食。又

勅內大臣費揚古明珠等。齎白金茶布以給其用。採買牲畜以資其生。遂皆安居得所。循法度。樂休養。迄今八十餘年。畜牧日以蕃。生殖日以盛。樂利利。殷阜十倍於初。其汗王台吉等世延爵祿。恪守藩衛。一如內扎薩克之效。臣僕長子孫

莫不感戴

聖祖德澤及人之深得以長享昇平之福也朕惟體  
皇祖之心為心法

皇祖之事為事惟茲土爾扈特之來其窮阨殆無異  
曩時之喀爾喀故所以為之籌畫無弗詳燭惠  
無少靳優而恤之且計長久庸詎知謀之勞而  
費之鉅乎冀茲土爾扈特之衆亦能如喀爾喀  
之安居循法勤畜牧務生植勿替厥志則其世

延壽祿長享昇平之福又何以異於今之喀爾喀哉用是臚舉大凡勒石熱河及伊犁俾土爾扈特汗王部衆咸識朕意且以詔自今以往我諸臣之董其事者 辛卯孟冬月中澣養心殿御筆鈐寶三游六藝圃乾隆

引首

御筆 綏懷臚寶 鈐寶一乾隆御筆

鑒藏寶璽五福五代堂古稀天子寶八徵耄念之

寒扇以清風忘機心宇曠石渠寶笈所藏

御筆土爾扈特部紀畧一卷

本幅蠟牋本縱九寸八分橫三尺六分行書  
土爾扈特部紀畧事不再三精覈率據爾食  
以為寬君子弗為也言不求於至是已覺其失  
護已短而莫之改易君子弗為也必知斯二者  
然後可以秉史筆以記千載之公是公非余之  
為土爾扈特部之紀畧亦亶是而已土爾扈特  
之初來也蓋嘗詠之詩載之記皆以為始自阿



玉奇汗溯而上之荒畧不可考此亦述向之所  
聞者而書之而不知其更有所祖非始自阿玉  
奇茲以其廩至乃得一一詳徵其實為之重記  
何必隱約弗明以諱吾前言之未精覈哉阿玉  
奇之父曰棚楚克其祖曰書庫爾岱青其曾祖  
曰和鄂爾勒克其高祖曰卓立甘鄂爾勒克其  
高祖之父則曰貝果鄂爾勒克自貝果鄂爾勒  
克溯而上之實遠不可徵其入俄羅斯也則自

阿玉奇之曾祖和鄂爾勒克於策妄之祖巴圖魯渾台吉時其時四衛拉特各自為汗無所統屬又不相和睦和鄂爾勒克因率其子書庫爾岱青等至俄羅斯之額濟勒地其時阿玉奇尚在襁褓因留巴圖魯渾台吉處後書庫爾岱青往西藏而回遂向渾台吉索阿玉奇歸俄羅斯巴圖魯渾台吉為阿玉奇之外祖以時代計之適相當而阿玉奇汗時其子散扎布台吉率所

屬一萬五千餘戶。往投策。妄策。妄盡留其屬而  
逐散。扎布歸額濟勒。則向記所云阿玉奇與策  
妄不睦。亦未為大誤也。自貝果鄂爾勒克至和  
鄂爾勒克。皆單傳。和鄂爾勒克有子六人。一即  
書庫爾岱。青餘三無子。其二皆有子孫。式微無  
足傳。書庫爾岱青子四。二絕嗣。其一曰那木策  
楞。四傳而至巴木巴爾。今封郡王。其一即棚楚  
克。四傳而至渥巴錫。今封汗棚楚克之子阿玉

奇有子八人。其六皆無子嗣。其一日衮扎卜有子嗣。今之封親王策伯克多爾濟者。其曾孫也。衮扎卜乃渥巴錫之祖。沙克都爾扎卜之親弟。故其子孫為渥巴錫近族。與沙克都爾扎卜子孫皆隨渥巴錫而來。其戶口之數已見前記。茲惟記其始祖所自出。並証前之失精覈而未實者。至其重黃教。置鄂拓克宰桑之類。率同準噶爾。但具體而微。蓋準噶爾之紀畧。紀其全部之

盛衰而茲土爾扈特之紀畧則紀其世系之詳  
悉云爾 辛卯小春下澣御筆鈐寶三乾隆游  
六藝圃

引首

御筆 徠遠徵源 鈐寶一乾隆宸翰

鑒藏寶璽五福五代堂古稀天子寶八徵耄念之  
寶樂壽堂含味經籍學鏡千古石渠寶笈所藏

御筆開泰說一卷

本幅粉牋本。縱九寸。橫一尺九寸。行書。

開泰說。陽交三而成泰。此劉琨柳宗元等開泰之說所由昉乎。泰者通也。又安也。小往大來。內陽外陰。與夫任下事上。君子小人之義。註易家論之詳矣。余以為泰之所以為泰。在九來居三。泰之九三。即乾之九三也。乾之九三曰。君子終日乾乾。夕惕若。蓋必有此乾乾惕厲。然後能

安而弗危。通而弗塞。以常保其泰也。故本文即曰无平不陂。无往不復。使無乾惕之意。則平者陂而往者復矣。又繼之曰艱貞无咎。益深切而著明。蓋艱貞即乾惕也。必乾乾以知其艱惕。若以守其貞。然後得无咎。而又呼吸相通。無不於慄慄危懼三致勗焉。元聖訓後世之意篤矣。凡觀象玩占者。皆當以是為棘。而有撫世御民之責之人。尤不可不凜淵冰。而戒盛滿。祛安逸而

謹思慮庶幾恒守其泰而不至失其道以流入  
於否。後世賢臣持盈保泰憂盛危明之說胥不  
外乎是爾。壬辰新正上澣御筆鈐寶三乾隆  
保泰

引首

御筆 義申乾惕 鈐寶一 乾隆御筆

鑒藏寶璽 石渠寶笈所藏



御筆一字至七字詩一卷

本幅蠟牋本。縱一尺一寸。橫一尺七寸。行書  
一字至七字詩。此雖非古體。白樂天集中有  
之以題為韻。因效其格。作五倫詩。其亦所以自  
儆也夫。君敬

天勤民所無逸。難知人象若捧日。德如望雲。在衡齊  
七政。典叙首五倫。聰聰

祖考彞訓。謹守禮樂淑身。持盈保泰。惟克己。盱食宵

衣要體仁。臣贊治佐君。章五服。欽四鄰。予違汝弼。魚與水親。面從古所戒。私去忠則純。勿欺也。而犯之。惟非齊亦有倫。率作興事。慎乃憲。

天工時亮在安民。父為乾。繼祖一家長。諸子矩。慈惠為教。清白勉樹。事君資同敬。陟山悲何怙。治義終以復始。日嚴尊而弗嫗。陳咸冷語觸萬年。信過直躬。益無取。子弄璋。舉矢以天屬。豈蛻委。教護家事。兼明政理。黽勉繼箕裘。朝夕奉甘。

育仁輕等上於祖義重順下曰禰亦云顯親為  
要哉。詎止從令而已矣。夫宜爾刑于。人倫始  
王化模以知能帥。惟道可扶。雖賤家為陽所倚。  
室不孤。易著乾元有序。詩詠閨睢無殊。畫眉拜  
手則已甚。正綱相德謂是乎。婦體齊化首四  
德教三從守。和其妯娌學乎姑舅。惟酒食是議。  
無父母貽醜。語言不出於梱。勸勉以貞納牖。哲  
夫成城母或傾。嘻嘻終吝義經剖。兄象震比。

肱事如父。為先生。陟岡瞻望。吹埙和聲。寬裕以  
誨。道慈愛見友情。閤牆外猶禦侮。它利怨斯可  
徵。常棣有華。在所率。尺布之謠。不可聽。弟後  
生。欲悌。因心友。自家始。李方難為。宏微能爾。以  
敬則擔金。訓義如束韋。五常有要。宜哉。一字曰  
恭而已。司馬牛憂我獨無。幾回欲廢斯章矣。  
朋講習。彙征遠相致。公同升。西南則得賢。能以  
興中鈞。管鮑薦。彈冠王貢稱。小人暫為。乃偽君。

子共濟實應清流東林斯過甚。兩敗無補嗟明  
徵友志同。儒有莫逆心。期白首。益者取三者  
或稱九流言所不信。素行永相守。貴在道德以  
成。鄙其利名互誘。迭為賓主。緬唐虞時勢弗同  
可效否。壬辰新正月之吉御筆。鈐寶三。乾隆  
意在筆先。

引首

御筆 繹言攸叙 鈐寶一。乾隆御筆

鑒金藏寶圖石渠寶笈所藏

御筆論重瞳 一卷

本幅粉牋本縱九寸一分橫二尺七寸八分

行書

論重瞳 史出於經經莫古於尚書易雖始自  
伏羲然伏羲但畫卦而無辭文王周公則已後  
焉故紀事之書必以典謨為信而可徵溯而上  
之三墳十紀或出後人耳食之辭矣典謨之記  
堯舜亦惟載放勳重華之實政無所謂八彩重

瞳之語也。自莊列譔悠之說興而好奇炫古者無不極其詭僻譎誕之撰述。思以尊古聖實則誣古聖也。而司馬遷乃至稱舜重瞳子。項羽亦重瞳子。且以謂或其苗裔。吁可怪哉。審如是則虞遂伯戲箕伯胡公實舜後也。千百年之間何無一人重其瞳者。夫重瞳者何。蓋謂目明耳如日重光。月重輪之類。非必有二目兩月並照於人也。且人之生也。五官四肢百骸各有定體。異



此則為怪異鬼物。聖之為聖。不繫此也。故闢四  
門。明四目。舜之重瞳。即在此。項羽有范增。不能  
識。即可定其為非重瞳。而豈在兩瞳子之在目  
中乎。甚其說者。且以謂舜之重瞳。並立。羽之重  
瞳。上下立。夫羽之瞳。或有見者。舜之瞳。有誰曾  
見哉。此真不直一喙矣。至蒼頡四目之說。亦謂  
其始制文字。教後世。有並明之德耳。又豈真有  
四目生其面乎。壬辰新正御筆。鈐寶三。茹古。

含今乾隆

引首

御筆 論哀明目 鈐寶一乾隆宸翰

鑒藏寶璽石渠寶笈所藏

御臨蘇軾春帖子詞 一卷

本幅宣德牋本縱八寸七分橫七尺七分

臨蘇軾春帖子詞

見養心殿所藏御臨蘇軾春帖子詞冊

立春帖子進東坡副本澄心寫擘窠謝傳欲題  
太極榜獻之不肯意云何東坡進春帖子詞  
雖夫人閣亦逮且自書副本贈客不害其為正  
人也晉書王獻之傳載謝安欲令其題太極殿  
榜而難言之乃漫為凌雲殿事試之獻之正色

拒之遂不復強夫拂紙運筆自宜明窗靜几而  
鉤摹成榜與夫縛橙張挂乃屬工匠之事豈有  
令詞臣持筆硯登書之理而墨書亦不可經久  
也向曾作題榜行闢其謬茲因臨蘇帖輒復及  
之壬辰新春御筆鈐寶四乾隆用筆在心游六

藝圃

引首

御筆 規其韶令 鈐寶一乾隆宸翰

鑑藏寶璽取益在廣求半榻琴書三布堂幾暇臨  
池石渠寶笈所藏

御筆五明扇說一卷

本幅金粟戔本縱七寸三分橫一尺七寸三分行書

五明扇說 崔豹古今注稱舜廣開視聽作五明扇揚雄方言以為自闕而東謂之箴自闕而西謂之扇自是賦扇者率以五明為舜事怪哉失之遠矣夫舜作漆器諫者且十人五明之扇其雕幾繁飾過漆器遠矣何不聞有一人諫諍

者乎。蓋扇本門扉禮所謂脩闔扇者是也。豹本  
闔四門之意而變其說曰作五明。雄又辨其方  
而類之。簔陸機梁元帝之流不察所自遂以華  
囂之事為舜所創其誣古聖帝不淺也。且世本  
載武王始作簔則舜之時安有所謂扇乎。此又  
不待辨而自明者。壬辰仲春御筆。鈐寶三乾  
隆學鏡千古

引首

御筆 闢門訂課 鈴寶一 乾隆御筆

鑒藏寶璽 石渠寶笈所藏



御筆生春生夏生秋生冬詩

四卷

本幅四卷並粉牋本同縱一尺橫六尺一寸

行書

生春二十首用元微之韻

唐有

貞元一氣羣仰

天地洪慈熙皞百年實賴

祖宗厚澤縱言政敦返樸一日之樂可聽諸亦曰情

貴聯遐萬方之來當饗爾爰自紅箋書福開韶

而斂錫殷欽以及綠字宜春御氣而雨暘時若

賡歌每厯稼穡宴齊所寓懷柔未至風和日麗  
之辰先會釀泰含熙之趣因讀微之生春廿什  
却思丙寅反作三秋然而玉露金颺未免心生  
蕭索即彼分霞帶雪本屬境借鋪張斯乃據實  
事以成吟仍即依前韻而得句無須頻拈梅柳  
殊稱自具體裁意獨重於春生言亦關乎政飭  
昇平有象補帝京景物遺篇寒儉未除笑石湖  
村田樂府惟是番番疊詠頗覺後勝於前雖云

草草成章。聊識未荒所學。何處生春早。春生

斗柄中麗。

天居止宿。指艮轉東風。玉杓垂如注。璿璣象已融。拱  
辰恒近極。率領衆星叢。何處生春早。春生積  
雪中。照墀常若月。棲瓦不妨風。扶脊離離閃。垂  
簷滴滴融。宮鴉能避冷。枝入萬年叢。何處生  
春早。春生書福中。迎年應臘朔。施惠守

家風。鳳篆鵷班布。硃箋墨瀋融。堂廉欽斂錫。雲叢漫

言叢 何處生春早春生冰戲中踉蹌蹴飛雪

捫捩博驚風詎數跳丸捷非訛感鞠融論功遍  
行賞鳬藻羽林叢 何處生春早春生臘鼓中

毛員鳴送冷腰細響隨風草紐芽將發蟲坯戶  
漸融冬冬繞街巷忙煞小兒叢 何處生春早

春生春帖中詎云期應節亦欲驗歌風傳字惟  
蘇軾談經孰馬融準今還酌古藻揆翰林叢

何處生春早春生頒賜中北羊肥帶凍東鹿望

乾風繡袋星辰爛。綵牋粉碧融恩波。教共沐足。  
傲小山叢。何處生春早。春生餽歲中。通情隨  
地產。餉節任鄉風。硯匣琉璃煥。茶杯沆瀣融。東  
坡題句罷。總念在蠶叢。何處生春早。春生守  
歲中。一宵辭舊臘。明日迓條風。耳厭漏聲遞。情  
憐燭影融。兒童那知惜。玉筍開成叢。何處生  
春早。春生爆竹中。千門鳴入夜。萬戶響成風。啟  
蛩雷前發。晞陽雪不融。星星纔欲點。却走內家

叢 何處生春早春生仙木中神荼為鬼伯鬱  
壘有罡風吉雨符如券邪氛消以融至今傳度  
索桃樹尚叢叢 何處生春早春生獻歲中

慈寧臨正旦長信啟祥風率拜王公集秩陳禮樂融  
思齊千萬壽籌滿海山叢 何處生春早春生元會

中一年欽首祚萬國觀同風淑律鸞旗展初陽  
鳳閣融普天人並壽喜氣上眉叢 何處生春  
早春生三素中玉樓雲作蓋金闕駕隨風紫綠

白無襪。郁綸囿有融。最憐凝望者。迷目八輪叢。  
何處生春早。春生布令中。十行無靳澤。萬里  
有從風。水旱加月賑。閭閻幾景融。叮嚀諭大吏。  
毋使弊滋叢。何處生春早。春生綵勝中。金蜂  
渾出蟄。玉燕欲翻風。麥穗豐年兆。曇花瑞氣融。  
栽羅還疊錦。闔巧翠鬟叢。何處生春早。春生  
盆卉中。梅仍高士傳。松自古人風。漢代侵侵有。  
唐花色色融。憐他日增巧。開到鼠姑叢。何處

生春早。春生挑菜中。鋪簾平護凍。植障曲防風。  
七種堆盤翠。五辛熨齒融。底須蘊火迫。紫綠自  
分叢。何處生春早。春生

祈穀中。上辛傳漢制。元日遡周風。匏爵三升。簫韶  
九奏。融屏營籲。

綏屢豐徧。黍禾叢。何處生春早。春生元夕中。玉輪  
剛滿夜。碧宇淨微風。鶴燭光含響。蛭膏暖帶融。  
明朝園裏望。萬樹著花叢。戊子新正中。漸御



華鈴寶二乾隆

生夏二十首仍用元微之生春詩韻

有度

選舊

題於長慶翻新亦既先秋踵正格於生春充類  
何妨及夏對時興詠矧長養之當宣即事成吟  
信清和之可愛爾其律調中呂序肇南訛時膏  
已渥於青疇德畧方昭於丹陸驗風景而施爵  
翹秀將成育庶物以平衡祖庸遍復時則七舉  
秩而涼冠始御五明闢而輕蓋初張

大禰吉蠲。令協含桃之薦。

常雩恪展。候占秀麥之登。階前則紅藥翻晴。圃裏則  
碧蔬泛露。疎簾卷轂。綠樹鶯來。小簟涵漪。青荷  
魚戲。晴結制龍之坐。還薰香水以明。因或陳詐  
馬之筵。若舞謠風以從俗。撫炎節而洪纖。疏列  
寧殊韶景。蕭辰怡永日而次第評量。仍此依聲  
備什。詩以言志。期元琯之循環。念惟在民。應薰  
弦之解阜。若云具體宜全。四氣斯則。續賡有待。

三餘何處生夏早夏生平秩中璣璇四月節  
竿相巽方風

天德空牢惠日行南陸融測辰晝方永漏報挈壺載  
何處生夏早夏生換季中捲簷皮去暖哆口  
葛含風晴雨還殊製袍衫雅稱融朝章弗相襲  
遵守播紳叢何處生夏早夏生

禴祭中朔辰修孟享

太室敞薰風籩豆犧牲進衣冠禮樂融為榮傳有事

橫衍荐椒叢。何處生夏早。夏生簾箔中。易擅  
知去冷。代竹為延風。似水漪紋澹。遮曦晃影融。  
獨憐認巢燕。窺煞碧筠叢。何處生夏早。夏生

霄祭中。見龍因請雨。樂凱已歌風。

青幕苾芬薦。絳霄烟繚融。庶幾膏澤惠。瞻望葉雲叢。  
何處生夏早。夏生新綠中。清和方應候。蔥蒨  
始舒風。遠屋都無異。連林若有融。後凋殊衆者。  
祇看柏松叢。何處生夏早。夏生菜圃中。王瓜

生艷露苦菜秀猗風綴架垂垂好堆盤款款融  
寒酸有真味莫問食單叢何處生夏早夏生  
鶯語中候寒遲北地鳴試藉南風色以金衣艷  
聲諧玉管融戴顓饒幸事兩度覓芳叢何處  
生夏早夏生浴佛中有緣澄性海無始暢宗風  
德水本清淨戒香自妙融如來泯來去底事此  
僧叢何處生夏早夏生試扇中展時輕蔽日  
搖際自來風題詠性情託畫圖景物融五明逞

奇說誣聖闢辭叢。何處生夏早。夏生麥浪中。  
掛帆誰泛海。拖轂自宜風。候薰青黃接。香聞餅  
餌融。老農凝望眼。日在綠波叢。何處生夏早。  
夏生紅藥中。本殊草與木。花麗日和風。分埒榮  
非妬。當階意欲融。元暉點筆際。翻影正連叢。  
何處生夏早。夏生櫻薦中。藉申殷宰訓。寧學漢  
家風。籠貯青絲夥。盤堆赤玉融。奚稱文館醺歡  
聚。侍臣叢。何處生夏早。夏生魚躍中。暴腮爭

逐浪萼尾慣衝風。或如鱗。著鼓相交。意氣馳鯤。  
鯢旋浮散。脈脈復叢叢。何處生夏早。夏生荷  
葉中。田田纔鋪水。貼貼未搖風。錢似黃。無染玉  
如清。有融待開。初日朶。莫忘泛波叢。何處生  
夏早。夏生黃繖中。團張蔽炎熱。斜颺受涼風。葵  
擬傾陽好。竹支得陰融。如將臂捧日。可喚瑞雲  
叢。何處生夏早。夏生廟會中。元君傳聖誕。五  
頂盛靈風。臺閣肩行簇。幢幡扛戲融。道民貴因

俗難禁繁叢。何處生夏早。夏生結制中。經  
行罷僧脚。默坐究禪風。動植傷胥惜。鐘魚寂總  
融。安居毒龍伏。慧草任成叢。何處生夏早。夏  
生毳幕中。殺牛非禴祭。詐馬述先風。柳插歡心  
浹。漣成醉面融。應憐駒未飽。綆繫泣枯叢。何  
處生夏早。夏生翠簾中。含涼似鋪雪。卻暑欲翻  
風。麗覺紅藤侈。滑欣白薤融。挾牋聊遣興。未足  
儷吟叢。壬辰孟夏上澣御筆。鈐寶二。乾隆。



生秋二十首用元微之生春詩韻

有序

芸牋拈

韻雅愛元清。繩榻連吟早。推白和故章。賡有鳥  
尚懷壬子之春。而詩反生秋。竭此清閒之暇。光  
陰迅其轉轂。正昔人興感之由。景物紛以撩人。  
亦吾輩鍾情所自。曰刺曰勸。都歸水月鏡花。或  
去或來。莫問賓鴻社燕。迺者金飈應律。素節迎  
人。溽暑退而池館清。大火流而天地爽。況乎與  
與黍稷。歲報西成。颯颯梧桐。月臨東壁。既副祈

年之望。不無對節之懷。聽蓮漏於宵分。遊心六  
義。納蕙風於晝靜。流詠三唐。依士曹舊體之篇。  
成白藏新題之什。雲光霽色。不妨大同。柳眼梅  
心。亦云小異。爾日披香清暑。略抒茂對之襟。乃  
至旅思閨情。曲體怨咨之狀。匪誇藻績。聊驗居  
諸云爾。何處生秋早。秋生紫禁中。蓮筩添夜  
漏。珠綴度涼風。問政清襟爽。觀農樂意融。玉階  
多雨露。芬遞蕙蘭叢。何處生秋早。秋生江路

中有期桑土社。無恙布帆風。山市晴嵐散。漁簑  
晚霽融。水鄉多樂事。莫慢過蠶叢。何處生秋  
早。秋生野墅中。桔槔閒過夏。砧杵響隨風。路遠  
書難寄。宵深夢未融。欲知無限思。弱婦兩眉叢。  
何處生秋早。秋生斷岸中。柳懷謝女雪。花老  
鯉魚風。暝色蒼烟合。湖光返照融。最憐瀟灑意。  
紅蓼一叢叢。何處生秋早。秋生雲色中。巧看  
常捧日。輕已漸隨風。似蓋承金鰲。為車送祝融。

黃姑盼河畔。恨掩白榆叢。何處生秋早。秋生  
玉露中。珠圓池芰晚。笙亮樹蟬風。鶴夢宵初警。  
花心暖尚融。金盤聳百尺。不及小山叢。何處  
生秋早。秋生霽色中。虛明開碧宇。閭闔下西風。  
瑣闥清暉朗。銀蟬素彩融。讀書秋日樂。何必關  
談叢。何處生秋早。秋生流火中。時來因別暑。  
西去不緣風。勤學思車角。談經憶馬融。若虞烟  
氣引。莫近柞櫟叢。何處生秋早。秋生梧色中。

數枝剛映片一葉已飄風石鼎閒烹茗秋評試  
感融歐陽將點筆聲在綠雲叢何處生秋早  
秋生雜卉中亂英紛飲露幽韻各含風色奪雲  
綃剪香招粉蝶融淵明沈醉處徒對未開叢  
何處生秋早秋生鳥思中鶯聲尋舊樹燕羽避  
新風拳鷺依蘆穩眠鷗護水融莫愁時寂寞轉  
眼入芳叢何處生秋早秋生池榭中窓虛銀  
漢月波靜白蘋風成賦思何瑾開尊憶孔融猶

憐堦砌畔石竹已分叢。何處生秋早。秋生雅

戲中闌蛩爭鎮日。引蝶鬧團風。草葉藏鈎密。螢

光撲扇融。呼羣庭院裏。玉筍自成叢。何處生

秋早。秋生人意中。望來欣玉宇。披處得金風。梧

榻全延爽。桃笙已送融。遊心竹素圃。不入綺羅

叢。何處生秋早。秋生半睡中。張燈猶畏暖。寒

幔為延風。柳枕原堪倚。冰盤漸不融。翻嫌剛假

寐。絡緯警寒叢。何處生秋早。秋生曉鏡中。寶

奩初吐月高。髻不驚風。蹟面酥旋滴。彈脣汗欲融。却聞呼小玉。帶露折萱叢。何處生秋早。秋生綺戶中。針穿乞巧夕。葉落唱迴風。篆影成灰淺。蟾光照簾融。嫦娥猶自獨。清冷桂花叢。何處生秋早。秋生古寺中。拈來叅指月。動處悟禪風。底用悲潘岳。誰能識懶融。孤雲與片石。隨意是禪叢。何處生秋早。秋生客思中。玉關無北雁。羌笛怨西風。不解愁腸殢。難教酒病融。數莖

衰白髮明鏡點霜叢。何處生秋早。秋生潑雨  
中。一番寒乍峭。幾縷細因風。蛩咽莎常濕。蜩盤  
泥尚融。陵懷有鳥詠。已是少年叢。丙寅新秋  
中澣御筆鈐寶二乾隆

生冬二十首。仍用元微之生春詩韻。韻 韶音  
常。盜迭吟已遍三時。羽琯方調。嗣響宜周四序。  
翻元和之舊體。還如舉一例。餘效玉局之疊麝。  
時復因難見巧。蓋冬者成也。終循始以有功。惟



生不息焉。貞起元而相嬪。於是德乃應。信良為  
就。盈。驗。廣。莫。於。乾。維。辨。招。搖。於。亥。次。蹕。旋。行。獨。  
杪。秋。溯。徂。暑。而。羸。令。紀。司。權。肇。孟。計。洪。辰。以。逮。  
納。稼。既。慰。茲。豐。歲。給。糜。猶。矜。彼。窮。民。冠。正。宜。溫。  
稽。

典而受

整吉且罷能代漏授時則頒朔來年

愛日欣長曾闡小春之旨堅冰凜始每殷先戒之懷

聽掃葉於階前丹林餘綠記餐英於籬下玉版  
徐參葛嶺睇陽煦分入藝

軒丘薦節膏過嘗新。溫室批三捷之書。綈几遺萬幾  
之暇。庶子寒暄和潔。佳興同人。譬諸生長收藏  
化。正成歲元。冥應喜匪獨。後予白霄。僅知異殊  
和。汝體斯備矣。仁實統之。何處生冬。早冬生  
頌。到中萬方大一統。

三代久同風。東鄰西鄰。合考文制度。融人人間花甲。

歡動老年叢 何處生冬早冬生衰日中溫燠  
烜朔氣煦姬邵涼風赤道行前遠黃棉披後融  
萬年承愛景恒願照

萱叢

何處生冬早冬生春小中六陽雖避卦一氣

不潛風消息豈常息嫩融真箇融程朱引未發  
著說語芟叢 何處生冬早冬生暖帽中懶烏  
輕試燠貂紫重禁風抹額顏增潤稱心氣已融  
欣尋與周冕底藉禮圖叢 何處生冬早冬生

紅葉中離離偏映日閃閃未飄風那礙施朱赤  
忽疑照炬融祇應笑松柏能幾鎮留叢何處  
生冬早冬生蟲俯中下藏知閉凍曲伏解防風  
多蓄蟄糧富牢封坯戶融微嫌彼穴氏攻逼太  
叢叢何處生冬早冬生

節薦中或同霜與露悲憶木和風億葉丕基護

二陵神會融盛京溯一脈遙隔萬山叢何處生冬  
早冬生粥飯中五城施繼日百里向如風詎止

充腸果還因溫體融文王緬發政先此四民義  
何處生冬早冬生臺望中吸精寶雲頂觀出  
葛仙風日月并升際朔晨應候融山房及丹井  
今尚艷詞叢何處生冬早冬生雉蜃中時來  
因入水化去不緣風噓氣雲樓幻吹煙海市融  
山川如用器職在皂人叢何處生冬早冬生  
納稼中農人盼十月儒士詠幽風萬寶倉箱積  
千村歡喜融于茅索陶繼乘屋正攢叢何處

生冬早。冬生始凍中。狐聽當孟月。魚陟待初風。  
曉冷明明結。午暄略略融。冰嬉將試藝。盼切護  
軍叢。何處生冬早。冬生盆菊中。小籤常傲冷。  
別體不愁風。色共梅樁麗。香和蘭篆融。却嗤彭  
澤老。籬下已枯叢。何處生冬早。冬生隕穽中。  
依依雖耐日。落落已隨風。解榦心猶戀。歸根意  
自融。六章近纖巧。不復關吟叢。何處生冬早。  
冬生

神祀中。立等祈福祉。執豕述。

先風分胙武文會。聯情內外融。曾孫看繞膝。玉樹漫  
言叢。何處生冬早。冬生望雪中。纔看雲出谷。  
偏畏宇吹風。寧為催梅發。惟圖護麥融。綢繆每  
豫計。愁不離眉叢。何處生冬早。冬生洋表中。  
來知經大海。運不畏寒風。爨火猶嫌拙。沸湯空  
自融。人工奪天巧。沃漏愧神叢。何處生冬早。  
冬生冬筍中。鞭行偏應節。舟運每藏風。一寸迎

眸嫩三餐熨齒融。獨憐鋤鋤際。不放長喬叢。  
何處生冬早。冬生暖閣中。漏長宜靜夜。簾下避  
嚴風。桂檠蘭鎗燦。猊鑪鴿炭融。遲眠批奏牘。軍  
務遞蠶叢。何處生冬早。冬生綈几中。滴書寧  
藉酒。摘句亦吟風。廿首三番疊。四時一氣融。殊  
勝元刺史。株守小梅叢。壬辰孟冬中。澣御筆。  
鈴寶二。乾隆。

引首



御筆

揚華肇瑄

第一卷

叶序歌薰

第二卷

體和

詠潔

第三卷

揚羽起元

第四卷

分鈴寶乾隆御筆

第一二卷


乾隆宸翰

鑒藏寶璽五福五代堂古稀天子寶八徵耄念之

寶秀色入窻虛取益在廣求清吟寄遐思垂露

水月兩澈明樂意寓靜觀筆端造化妙意寓清

快石渠寶笈所藏



御筆書唐太宗欲觀實錄事一卷

本幅梅花玉版牋本

有朱印  
分書紙記

縱八寸八分

橫二尺行書

書唐太宗欲觀實錄事 唐太宗欲觀實錄而

褚遂良不與觀後卒令房元齡上而觀之夫太

宗英明之主也而何獨於此事乃憤憤若是乎

人君言行即史官不記天下皆記之矣豈得遍

天下之人索其記而觀之今太宗之言曰欲知

前日之惡。為後來之戒。苟其謹言慎行。雖不觀  
實錄可也。苟其恣意妄為。則今日觀之。明日忘  
之。雖百觀實錄無益也。且太宗納巢刺王妃失  
德之甚者。而新舊書本紀皆無此。非史官所紀  
載者乎。由是觀之。遂良已不能逃。為其君隱之  
過。則謬為不與觀之言。為能彰其直乎。綱目於  
是條下。又注上見書六月四日事。語多微隱。謂  
元齡云云。猶是史臣欲揜其不善。而著其善之

意。所謂欲蓋彌彰。胥不足為訓耳。壬辰仲冬  
月御筆。鈐寶二。乾隆。

引首

御筆 鑑貴返觀 鈐寶一。乾隆御筆。

鑒藏寶璽。石渠寶笈所藏。

御筆金世宗論 一卷

本幅舊花蠟牋本。縱九寸。橫二尺五寸。行書。  
金世宗論。金史成於元。如元之托克托輩。非  
真史才也。從來論史者。於帝王事蹟。無不吹毛  
求疵。如世宗之信賞重農。選吏求賢。諸實政。悉  
皆班班可考。世號小堯舜。而猶必議其羣臣偷  
安苟祿。不能將順其美。以成大順為惜。是則無  
一而可。為帝王者。抑亦難矣。金世宗他政。茲不

論獨嘉其不忘故風。禁習漢俗。拳拳以法祖宗。  
戒子孫為棘。蓋自古帝王。未有不以敬念先業。  
而興。亦未有不以忘本。即惱淫而亡者。是以書  
稱無逸。詩詠豳風。周之所以過其歷也。夫金世  
宗述祖業之艱難。示繼繩之不易。叮嚀反覆。一  
再歎惋。使數百年下。有志永命之君。為之感泣。  
乃繼世之孫。不數年而遂易漢服。又不數十年。  
而遂以屋社吁。可不畏哉。可不懷哉。壬辰嘉

平月御筆鈐寶三乾隆讀書依竹靜

引首

御筆示鑑持平鈐寶一乾隆宸翰

鑑藏寶璽石渠寶笈所藏



御筆書南宋論兵事 一卷

本幅粉牋本。縱七寸五分。橫二尺七寸五分。  
行書。

書南宋論兵事。南宋棄河北而不守。忍二帝而弗顧。志恢復而知兵者。莫過岳飛一人。以讒誅之。是尚可與言兵哉。而最可笑者。莫若上皇與吳璘相論之事。宋史稱上皇嘗問勝敵之術於璘。對曰。弱者出戰。強者繼之。上皇曰。此孫武

子三駟之法一敗而二勝吁其識之鄙可怪哉  
夫亦知孫武子三駟之法乎彼教田忌與諸公  
子置馬校射此尋常賭金為戲以是法相馳固  
當一不勝而再勝在馳射校勝負則佳而豈可  
以用之於行軍乎且是法也市井博奕之徒無  
不知之亦不得謂孫武子行軍妙算也夫兩軍  
對敵所貴先聲其勝敗祇在呼吸頃耳以大為  
小以強為弱不過俯仰之間今以弱者出戰以

當敵之强者跌而不振後之强者亦將望風而  
敗又豈能收兩勝之功哉若夫臨敵出奇制變  
或先示之以弱而繼以強勇之兵擣其虛則可  
要非對戰時當使弱者居前而强者繼後也昔  
宋楚泓之戰襄公稱先道古言之非不疊疊而  
卒致於敗為天下笑予謂高宗之舉孫武子其  
亦類於此矣  
壬辰嘉平月御筆鈐寶三游六

藝圃乾隆

引首

御筆 勝決先聲 鈐寶一乾隆御筆

鑑藏寶璽石渠寶笈所藏